



Акафист

святителю Нектарию, митрополиту Пентапольскому, Эгинскому чудотворцу

Кондак 1

Правосла́вия звезду́ новоявле́нную новозда́нное
и Це́ркве огражде́ние воспо́йм в серде́чном вси
весели́и. Ду́ха я́ве де́йстви́ем просла́вився,
исцелéний благода́ть всем исто́чаеши вопи́ющим
ти:

Ра́дуйся, Некта́рие, Эги́нский чудотво́рче.

Икос 1

Челове́к небому́дренный яви́лся еси́ в ми́ре,
Некта́рие, святите́лю Христо́в: жити́е бо
преподо́бное испра́вив непоро́чно, свят и
богоприя́тен во всем наре́кся еси́; сего́ ра́ди
слы́шиши от нас:

Ра́дуйся, от юно́сти Бо́га возлюбивый;

ра́дуйся, во юдо́ли плачевней све́тлое
восхожде́ние положи́вый.

Ра́дуйся, му́дрости сосу́де златозда́нный;
ра́дуйся, пропове́днице благода́ти
невозбра́нный.

Ра́дуйся, до́ме святе́йший де́йства
Боже́ственного;

ра́дуйся, кни́го богоизвая́нная жития́ новаго.

Ра́дуйся, я́ко ны́не поревнова́л еси́ святы́м;

ра́дуйся, я́ко а́нгелы испо́лнил еси́ весе́лия.

Ра́дуйся, преподо́бных отце́в прекра́сная
добро́то;

ра́дуйся, иерархо́в Христо́вых благо́е украше́ние.

Ра́дуйся, имже Це́рковь Христо́ва ликовству́ет;

ра́дуйся, имже о́стров Эгíнский раду́ется.

Ра́дуйся, Некта́рие, Эгíнский чудотво́рче.

Кондак 2

Взо́ром духо́вным, е́ще сый юноша, прозрел еси
Боже́ственную благода́ть, е́юже объят в душе́,
свету заповедей Госпо́дних, преподобне, избрал
еси последовати от юности, Христу
по́я: Аллилу́ия.

Икос 2

Притѣк во град Константина, Нектарие,
Божественным направляем страхом, в нем
лучшим поучашеся. Темже Божественнаго
разумения преисполнен явился еси, возвеселя
во учениих твоих вопиющия ти таковая:

Радуйся, Солнца мысленнаго палáто
благоукрашенная;

радуйся, рая словеснаго древо досточудное.

Радуйся, Христа Спасителя служителю
богоприятный;

радуйся, отцем древним единокорный.

Радуйся, камению новосечный умнаго наздания;

радуйся, венче новоплетенный святыя Церкви.

Радуйся, непостыдное наше упование;

радуйся, светлая наша надеждо.

Радуйся, яко безплотный бывый в телеси;

радуйся, даром богомудрия просветивыйся в
душе.

Радуйся, образóв небесных сокровище;

раду́йся, добродетелей ангелоподобных
озарение.

Ра́дуйся, Некта́рие, Эгѣнскій чудотво́рче.

Кондак 3

Сла́вныя Божественныя мудрости всеобра́зно
возжелѣв и тоя́ измла́да взыскав, Христа моляше
теплыми слезами уллучити красне́йшаго желания
и, достигнув онаго, верно вопия́ше: Аллилу́ия.

Икос 3

Весели́л еси душу твою, якоже древле Отцы
Василий со Григорием, стяжанием наук, во
Афинах учився, Нектарие; темже твоими
богоблагодатными дарованиями наслаждающися
тебе вопием:

Ра́дуйся, верное послушания чадо;

раду́йся, твердое благочестия основание.

Раду́йся, мира суетнаго превы́шший;

раду́йся, миру неложному приложивыйся.

Раду́йся, уме богоносный, исполни
Божественных разумений;

раду́йся, угле, воспламеняяй Божественнаго
Духа огонь умный.

Радуйся, началосветлыя образы воистину
прозревый;

радуйся, плоды учения земнаго Богу Небесному
вознесый.

Радуйся, любовь Христову исполнивый житиём;
радуйся, добродетелей цветение возобразивый
духом.

Радуйся, верных новоутверждённая ограда;
радуйся, врагов смертоносное поражение.

Радуйся, Нектарие, Эгинский чудотворче.

Кондак 4

Ревностию исполненный ко Господу Богу
нашему, блаженне Нектарие, преподобных
отцев равноангельнаго жития вожделев, на
Хиосе облечёся благочестно во иноческий образ
небесный и врага низложи во еже пети присно
Господеви: Аллилу́ия.

Икос 4

Услы́ша твою молитву Владыка небесé и земли́,
егда взывал еси к Нему из сердца, и повеле
морю, и преложи́ся в тишину морское волнение,

преподобне: дивящесе же вси спасеннии, верно
вопяху:

Радуйся, источниче чудес неисчерпаемый;

радуйся, исцелений рекó приснотекущая.

Радуйся, света духовнаго преозарение;

радуйся, благодати Божественныя доброзрачное
сияние.

Радуйся, сосуде многочестный даров небесных;

радуйся, саде новосажденный добродетелей
райских.

Радуйся, яко морское треволнение утишаеши;

радуйся, яко словом любве всякое зло
изобличаеши.

Радуйся, Христов новый избранниче;

радуйся, благодати усердный провозвестниче.

Радуйся, Духа Истины обретьи познание;

радуйся, Источника Жизни напоенный струями.

Радуйся, Нектарие, Эгинский чудотворче.

Кондак 5

Дивен явился еси в последния дни, святителю Христов, отче Нектарие, в житии праведнем изобразив явственнейше нравы твоими житие древних богоносных святых, и, прославлен чудесы, от напастей спасаеши всех вопиющих Богу: Аллилу́ия.

Икос 5

Избра́нием богоразсúдным иерарх богомудрый воистину показался еси во Египте и Пентаполю па́стырь явился еси божественный, аки Павел великий; темже убо житию твоему дивля́хуся вернии людие, вопиюще:

Ра́дуйся, за законы отеческия твердо подвизавыйся;

ра́дуйся, на камени заповедей Господних стопы твоя утвердивый.

Ра́дуйся, во Египте учение истинное возвестивый;

ра́дуйся, паству твою от Египта мысленнаго спасый.

Ра́дуйся, палато кротости и любви сокровище;

раду́йся, просвеще́ние разума́ и мудрости́
вместилище.

Раду́йся, яко́ явился еси́ Церкве́ земны́я
украше́ние;

раду́йся, яко́ показался еси́ верных́ благое́
утвержде́ние.

Раду́йся, правило́ изрядна́го жити́я;

раду́йся, о́бразе́ благочести́я и мудрости́.

Раду́йся, иера́рше, веру́ правосла́вную
возвы́сивый;

раду́йся, писа́ньми твоими́ зловерие́ обличи́вый.

Раду́йся, Некта́рие, Эги́нский чудотво́рче.

Кондак 6

Украше́ние Христо́вы Церкве́ во Египте́ явился еси́,
Некта́рие, яко́ Евангели́я делатель́
исти́нный; сего́ ради́ стяжавше́ тя водите́ля
Боже́ственна́го, отче́, верных́ лица́ лучше́му
поучаху́ся, вопиюще́ с тобою́
Го́сподеви: Аллилу́ия.

Икос 6

Возсия́вый яко́ апосто́л ины́й во стране́
Элинсте́й, озаряеши́ благочестивых́ серде́ца

сиянием божественных учений и светом жития твоего, преподобне; темже убо светлостию твоею световодимии верно вопием:

Ра́дуйся, таинство Триипоста́снаго Божества прославивый;

радуйся, апостольскую ревность стяжавый.

Радуйся, силу Божию в немощи явивый;

радуйся, исцелений благодать показавый.

Радуйся, витіе боговещанный глаголов жизни;

радуйся, водителю премудрый слова благодати.

Радуйся, яко очищаеши душевная расположения;

радуйся, яко сообразуеши сердечная смотрения.

Радуйся, верных учителю великий;

радуйся, Христа тайнниче преизрядный.

Радуйся, тайноводителю во Обители Небесных;

радуйся, стяжавый в мире обогащающую нищету.

Ра́дуйся, Некта́рие, Эгінский чудотво́рче.

Кондак 7

Вели́й во иерарсе́х и премудрых учи́телех яко тайнник смирения явился еси, Нектарие: твоя богомудрая писания оставил еси Церкви, свя́те, и́миже верно услажда́ющесея, просла́вльшему тя Богу вопием: Аллилу́ия.

Икос 7

Не́ктар праведности и благодати Божия ро́су, чудотворче святы́й Нектарие, а́ки о́блак духовный во время бездождия нам дарова́л еси, веселя ду́ши наша и подвизая вопити тебе:

Ра́дуйся, росó утешения;

ра́дуйся, дыхание нетления.

Ра́дуйся, воду благодати нам источивый;

ра́дуйся, исцелений струи́ отве́рзый.

Ра́дуйся, весно́ святости в зиме́ духо́вней;

ра́дуйся, сияние новопросвещенное во мра́це вѣтсем.

Ра́дуйся, даром чудес обогащенный;

ра́дуйся, духом разсуждения преосене́нный.

Ра́дуйся, исцелителю недугов всехва́льный;

раду́йся, наставниче во благодати преизрядный.
Раду́йся, демоны аки пламень пожигаяй;
раду́йся, страстей душепагубных свободяяй.
Ра́дуйся, Некта́рие, Эгíнский чудотво́рче.

Кондак 8

Стра́нная чудеса, отче, ра́ка твоих мощей
источает и спасает яже в трудех скончава́ющия
житие свое: сего ради во обитель твою святу́ю
отвсюду стекаются лю́дие, цельбы́ и избавления
многообразная от тебе получающе и вопиюще
Богу: Аллилу́ия.

Икос 8

Приста́нище необуреваемое, блаженне, на
острове Эгинстем явил еси обитель твою
божественную, в нейже инокинь честны́х
окормитель мудрый соделался еси, о Христе сия́,
преподобне, мудро наставляя, вопиющия:

Ра́дуйся, похвало́ девства;

раду́йся, о́бразе монашескаго жития.

Раду́йся, смиренномудрия гроздие
преукраше́нное;

раду́йся, долготерпѣнія сокровище
божественное.

Раду́йся, священнаго безмолвія преосенѣніе;
раду́йся, трезвенія духовнаго благорастворѣніе.

Раду́йся, воздержанія святилище чистое;

раду́йся, богоподобія одушевленное
изображеніе.

Раду́йся, святолепное осіяніе целомудрія;

раду́йся, богоизбранное изваяніе чистоты.

Раду́йся, оросивый душу твою слезами
покаянія;

раду́йся, тех струями обновивый зрѣніе
духовное.

Раду́йся, Некта́рие, Эгѣ́нскій чудотво́рче.

Кондак 9

Исполнена есть благодати Божественныя и
обонянна небеснаго ра́ка мощей твоих,
Нектаріе, угодниче Христов, имже не то́кмо
обитель твоя, но и весь остров Эгѣ́нскій
радуется, и вси освящаются сих благодатию,
вопиюще Богу: Аллилу́ія.

Икос 9

Струи́ Божественныя источают многоцелѣбныя
мощи твоя, чудотворче святы́й Нектарие,
богатым даром небесным исцеления многим
подают и недугов скверну омывають: темже
дивящеся славе твоей, юже стяжал еси, усердно
вопием:

Ра́дуйся, наставниче в добродетели неложный;
ра́дуйся, возвестителю истины нелицемерный.

Ра́дуйся, скорый помощниче в беда́х;
ра́дуйся, ве́лие утешение в напа́stech.

Ра́дуйся, источниче многотекущий милосердия
Отчаго;

ра́дуйся, гроздие сладчайшее веселия духовнаго.

Ра́дуйся, яко ра́коваго мучительства
прекращаеши недуг;

ра́дуйся, яко демонскую разрушаеши дерзость.

Ра́дуйся, мудрецов суетных смущение;

ра́дуйся, верных нерушимое единение.

Ра́дуйся, щите веры, имже вернии ограждаются;

раду́йся, вещание истины, имже буесло́вцы
обращаются.

Ра́дуйся, Некта́рие, Эгíнский чудотво́рче.

Кондак 10

Покро́в ты и предста́теля всяк верный имену́ет,
улучая от тебе помощь: кто бо, призвав ты с
верою, не получил есть твоя, отче, благодати?
Всем бо скоро просимое подаеши, внегда
звати: Аллилу́ия.

Икос 10

Мно́гих твоих чудес во вся концы изыде
вещание, богоносне и всеблаженне Нектарие, ты
бо ближним и дальним поспешаеши на помощь,
святе, и спасаеши бедствующия, и
предста́тельствуеши вопиющим:

Раду́йся, чудотвори́ предивно велия и
преславная;

раду́йся, подавая́ всем яже ко спасению
благопотре́бная.

Раду́йся, древняя исполнивый во дни наша;

раду́йся, пророчески предреченная показавый
ныне.

Радуйся, истинныя веры торжество;
радуйся, спасительное христиан прибежище.
Радуйся, яко являеши истины славу;
радуйся, яко заграждаеши беззакония уста.
Радуйся, радости верных и утверждение;
радуйся, душ смятенных веселие и крепосте.
Радуйся, имже Христос прославися;
радуйся, имже сатана посрамися.
Радуйся, Нектарие, Эгинский чудотворче.

Кондак 11

Песнь благодарственную тебе воспеваем,
блаженне Нектарие, угодниче Христов,
спасаемии твоими предстательствы, во всякой
бо нас нуде от нашедших свободдаеши
скорбей: темже твое заступление проповедуем,
Христу поюще: Аллилуия.

Икос 11

Попаляеши демонское лютое неистовство огнем
священных чудес твоих, чудотворче Нектарие, и
скоро помогая верным, тяжких болезней

угаша́еши зной, исцеляя страждущия,
вопиющия ти во умилении:

Ра́дуйся, пучино щедрот неистощимых;
раду́йся, море чудес недомыслимых.

Раду́йся, болящих исцеление;
раду́йся, расслабленных скорое исправление.

Раду́йся, унынием плененных утверждение;
раду́йся, отчаянных прибежище.

Раду́йся, востание падших и вразумление;
раду́йся, заблуждающих наставление.

Раду́йся, источниче, благодарования источаяй;
раду́йся, светильниче, омраченныя просвещаяй.

Раду́йся, благочестия богодарованная си́ло;
раду́йся, утёшителю всех приходящих к тебе.

Ра́дуйся, Некта́рие, Эгíнский чудотво́рче.

Кондак 12

Благода́ть Утёшителя богáтно изли́яся от раки
честных мо́щей твоих: гроб бо твой святы́й,
Нектарие, яко приснотекущий источник точит

непрестанно исцеления и напаяет
Божественными струями благодати всех
вопиющих Гóсподеви: Аллилу́ия.

Икос 12

Воспева́я всесовершенно Трисвяту́ю песнь
Богови с лики ангельскими, Нектарие, воззри́
свыше на нас и даруй, всесвiate, вся потребная
верою к тебе притекающим и не престающим
вопяти:

Ра́дуйся, о́трасле Силі́врии благословенная;
радуйся, Эгины известная похвало.

Радуйся, Элады велие украшение;
радуйся, чудотворче, во всем мире
прославивыйся.

Радуйся, образе иерархов честных;
радуйся, монашествующих покрове и спасение.

Радуйся, Церкви светило новосветлое;
радуйся, православия непоколебимое
утверждение.

Радуйся, имже страстей очищение при́емем;
радуйся, имже к Богу восхождения уллучи́м.

Радуйся, возсиявая в сердцах наших свет
Господень;

радуйся, и о мне ходатаю ко Творцу.

Ра́дуйся, Некта́рие, Эгѳинский чудотво́рче.

Кондак 13

О Божѳественный о́тче, правосла́вных христиа́н
ве́рное упова́ние, Некта́рие, святите́лю Христо́в,
престо́лу Господню́ предстоя́ ны́не, испроси́ нам
у Христа́ Бо́га прегрешѳений оста́вления и
всеми́лостиваго снизхо́ждѳения, я́ко да возопиѳем
Ему́ всечѳстно: Аллилу́ия.

Сей конда́к глаго́лется три́жды.

И па́ки чтѳтся 1–й и́кос и 1–й конда́к

Молитва

О богому́дрый и всесвяты́й о́тче Нектарие,
святите́лю Христов, чудотворче великий и
преславный! К тебе ны́не прибегаем верою и
любовию чту́щии тя, похвалы сия приносяще от
всего сердца и помышления. Ты, угодниче
Божий, явился еси ны́не я́ко звезда утренняя,
озаряющая мира сего помрачѳенныя концы
светом благодати Христовы, ю́же стяжал еси
неложно смиренным житием твоим и кроткими

нравы, нетленных и премирных обетований сподобься. Сего ради мы, недостойнии, молим тя прилежно: отче святыи Нектарие, не забуди нас, к тебе усердно притекающих. Свет сый ныне, просвети души наша, помраченныя страстьми, озари наш ум и обнови помышления во еже поучатися нам Божественным и священным образом и не ктому о суетных пещися. Утверди нас, преподобне отче, в вере, надежде и любви ко Господу Богу нашему, исцели болезни душевныя и телесныя, буди нам покров и прибежище в скорбех и напастех, вразумление и исправление во гресех, благодать независтную подая всегда, яко да прославим Единого Истинного Бога, дивного во святых Своих, Отца и Сына и Святаго Духа, ныне и присно и во веки веков. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

І

**НОВОЕ
НЕБО**